

《淨土生無生論導讀》補充講表

◎附表十一：糅合《淨土生無生論親聞記》、《淨土生無生論講義》、《淨土生無生論會集》

○第七、三觀法爾門（三觀：空、假、中三觀。「三」：乃數法，隨情而言。）

◆「觀」：謂觀想、觀念、觀察、觀照，即繫心緣境，加以想念照察也。

◆「法爾」：法性自爾，天然自然，不須人力造作也。

◆「三觀法爾」：謂空假中三觀具於現前一念心性，了之則見真俗中三諦，而為三智；不了則迷真俗中三諦，而為三惑。了與不了，判若天淵；而三觀之修德，未嘗絲毫有所增減也。

◆荊溪大師《始終心要》云：「三諦者，天然之性德也」，則三諦本自法爾。今不言三諦，而言三觀者，以此三觀一一皆由三諦全體而起，決非少分。若諦若觀，名雖不同，體無有二故也。（以下糅合《淨土生無生論講義》）

◆問：「既明法界，又論境觀，既明境觀又言三觀，豈非疊床架屋，多此一舉？」

答：「理性一味平等，事修自有程序。第五門法界為念，但知全理起事，全性起修，而未知事修何等。第六境觀相吞，並論境觀，始知事理、性修本是不二，而未知從何作觀。

今則直指一心三觀，以明事乃即理之事，修乃全性之修，愈逼愈真，至圓至頓，故曰：

「三觀法爾也」。

△融會三觀（以下糅合懺雲老和尚《修行法語》）

●豎論三觀：

一、看開世界，萬緣放下。（空觀）


二、一念佛號，歷歷分明。（假觀）

三、知能念心體，空空寂寂，而念者宛然，即空不空，即空即假。所念佛號歷歷分明，如空谷響聲，即假非假，即假即空。雙遮雙照，境觀雙亡。（中觀）

◆念佛時，不作三觀，但在未念前知之，體會之而已。

●橫論三觀：

◆能念屬乎三觀，所念屬乎三諦。（一心三觀，一境三諦，諦觀不二。）



○能觀為三觀，所觀即三諦；全性以起修，故稱為法爾。

◆心性之說，在眾生為性體性量性具，前已屢述；在諸佛為正因、了因、緣因，不可不知。

正因佛性：即眾生本具之妙性。

了因佛性：即正因佛性之智慧。即是以或從經典，或從師友，熏聞正因佛性之了義，而得解悟，遂致背塵向覺，返妄歸真。

緣因佛性：即解悟以後，種種善根福德之助行。例如修習有漏無漏一切尸羅禪定，乃至舉手低頭皆作水月道場，空花佛事，以期消除業障，增長慧業，務令所悟本具之理，究竟親證而後已。

◆約能觀，即為空、假、中三觀，乃全性體性量性具。約所觀即為真、俗、中，諦，原是一體，不分而分。即明三觀，全在眾生一念中，能所一體，法爾如是也。

◆今全三諦之性德，而起三觀之修德；復全三觀之修德，還照三諦之性德，故曰：「全性起修，全修在性。」荊溪大師《止觀大意》云：「三諦三觀三非三，三一一三無所寄，諦觀名別體復同，是故能所二非二」，故稱「法爾」。